

৪৭



**সাংবাদিক সম্মেলনে
রোকেয়া হল ও শামসুন্নাহার
হল পরিষদ নেত্রীদের
অভিযোগ**
॥ স্টাফ রিপোর্টার ॥

গতকাল (শুক্রবার) জাতীয় প্রেস ক্লাবে রোকেয়া ও শামসুন্নাহার হলের ছাত্র সংগ্রাম পরিষদের ছাত্রীদের এক সাংবাদিক সম্মেলনে অভিযোগ করা হয় যে, গত বৃহস্পতিবার বিশ্ববিদ্যালয় এলাকায় পুলিশের উপস্থিতিতেই ছাত্রীদের মিছিলে হামলা চালানো হয়। ছাত্রীদের আর্ন্ত চিৎকারের পরও শেষ পূঃ ৫-এর কঃ দেখুন

নেত্রীদের অভিযোগ
প্রথম পৃষ্ঠার পর হামলাকারীদের প্রতিরোধে কোন পদক্ষেপ গ্রহণ করা হয়নি বলে নেত্রীবৃন্দ উল্লেখ করেন। শামসুন্নাহার হলের ভিপি মনিরা রহমান বলেন, রোকেয়া হলের ভেতর বেশ কিছু ছাত্রী সন্ত্রাস সৃষ্টি করে। মিছিলে হামলার পর ছাত্রীরা দৌড়ে হলে প্রবেশ করতে গেলে কতিপয় ছাত্রী গেইটে বাধা দেয়। রাতে প্রতিটি কক্ষে হামলা চালানোর হুমকি দেয়া হলে ছাত্রীদের মধ্যে আতংক ছড়িয়ে পড়ে। এক প্রশ্নের জবাবে মনিরা বলেন, আতংকের কারণে অনেক ছাত্রী হল থেকে চলে গেছে। গত বৃহস্পতিবার বিশ্ববিদ্যালয় কর্তৃপক্ষের নিকট নিরাপত্তার জন্যে লিখিতভাবে জানানোর পরও কোন প্রকার জবাব পাওয়া যায়নি। বেশ কিছু ছাত্রীর কাছে গত বৃহস্পতিবার পিস্তল ছিল বলে মনিরা সাংবাদিকদের জানান। তিনি রোকেয়া ও শামসুন্নাহার হলের প্রায় ১৬ জন ছাত্রীকে বহিষ্কার করার দাবীও জানান।

সাংবাদিক সম্মেলনে শামসুন্নাহার হলের জিএস ছাহিদা ইয়াসমিন, রোকেয়া হলের ভিপি গুলশান মাহমুদ, জিএস নাজমা আখতার ও অন্যান্য ছাত্রীরা উপস্থিত ছিলেন।

শান্তি দাবী
ডাকসু নির্বাচনের পর বিজয় মিছিলে হামলাকারীদের দৃষ্টান্তমূলক শান্তি দাবী করে বাংলাদেশ মহিলা পরিষদ, কলেজ-বিশ্ববিদ্যালয় শিক্ষক সমিতি, ঢাকা বিশ্ববিদ্যালয় গবেষক সমিতি, ছাত্র লীগ (বো-ই), জাতীয় ছাত্র আন্দোলন, ছাত্র কেন্দ্র প্রমুখ সংগঠন বিবৃতি দিয়েছে।

১৪৩